

Wie nicht weniger, so hat man Sebastian
Kagerer vor zum Churfürstlichen Preuwerkh verkhauffte
N^o. 91 100 Ganze neue Vas den 21. *Aprill* A^o 1691
guethgemacht
80 fl. — —

Dann wird dem Kueffmaister Sebastian
Kagerer von dem alten Gschir, wie es die
Notturfft erfordert, abzubinden vnd vnderm
Iahr auszubessern yber haubts erstatt, so
er auch lauth Scheins gleich ferttn erhebt
N^o. 92 den 14. *May* A^o 1691
45 fl. — —
Huius 200 Ganze vnd 230 fl. — —
50 Halbe Vas

[fol. 134v]

Mehrgedachtem Kueffmaister ist auch
fir neu gemachtes Gschier, so man vnderm
Iahr bedirfftig gewest vnnnd Preumaister
ybernommen, Inhalt *specificirter* Zetl geuth-
gemacht den 14. *May* A^o 1691
N^o. 93 125 fl. 2 kr. —

Ansonnsten ist ainem Kueffmaister ~~wegen~~
~~an~~ zwar bey dem alhiesigen Kueff-
werkh vor disem wegen Abbindung der
Piervas vnd Zueschlagung derselben, dan
fir Raiff, so er vmb seinen Cossten trachten
mues, von ieder Sud 1 fl. 30 kr. verraicht,
volgents aber, weillen das Raiffwerkh
immerzue theurer wirdt vnd gar hart
mehr zubekommen, vf sein bschehen gehorsamb-
istes *Supplicirn* vermög genedigisten Befelchs
sub dato 29. *Augusty* A^o 1681 (so selbiger
Rechnung *fol. 17 sub Litt. I in Ori-
ginali* begelegt) zue dem ansonssten gehalten
1 fl. 30 kr. noch 15 kr., also von ieder Sud
1 fl. 45 kr. genedigist bewilliget, indeme
nun anheur 675 Suden gemacht,

Huius per se

[fol. 135r]¹⁰⁸

als trüfft der Verdienst hieruon lauth Scheins,
N^o. 94 *datirt* den 14. *May* A^o 1691
1181 fl. 15 kr. —

¹⁰⁸ Auch an dieses Blatt ist ein Blattweiser geklemmt. Sh. oben, Anm. 2.